

ASOCIJACIJA IZVOĐAČA I SVIRAČA  
UL. JOŠANIČKA BB, VOGOŠČA  
UL. PRVOG SARAJEVSKOG BATALJONA BR. 2, I. SARAJEVO  
ID: 4403733730007  
PDV: 403733730007  
BROJ ŽIRO RAČUNA KOD UNI CREDIT BANKA:  
3387202254275832  
TEL: +387 33 425 400; +387 57 316 557;  
+387 62 345 062; +387 62 345 061;  
E-MAIL: [ais@aisbih.org](mailto:ais@aisbih.org)  
[www.aisbih.org](http://www.aisbih.org)



Broj: 02/24

19.02.2024. godine

## Članovima Skupštine AIS-a

Poštovani članovi,


U vezi takozvanog poziva predsjednika Skupštine AIS-a Miroslava Janjanina za „Vanrednu sjednicu Skupštine AIS-a“ 21.02.2024. godine od 17:30 u Sarajevu na adresi Hotel HOLIDAY“, obavještavamo vas da se radi o privatnom pozivu predsjednika koji nije protokolisan niti ovjeren od strane ovlaštenog lica AIS-a. Također, poziv je poslan sa privatnog maila potpredsjednika Skupštine Mehmeda Bajraktarevića, što predstavlja tešku zloupotrebu. Poziv je poslan na veliki broj mail adresa lica od kojih većina nisu članovi AIS-a što predstavlja povredu zaštićenih ličnih podataka tih lica. Naglašavamo da predsjednik i potpredsjednik Skupštine nisu organi Udruženja i nisu ovlašteni da zastupaju Udruženje u pravnom prometu, pa je ovaj oblik komunikacije nedopustiv. Po Statutu organi Udruženja su Skupština, Upravni odbor i Nadzorni odbor, a Udruženje zastupaju predsjednik i potpredsjednik Udruženja i direktor Stručne službe. Članovima Skupštine je poznato da se sva službena korespondencija vrši preko službenih mailova. Grupa odmetnutih članova je bez konsultacija sa Upravnim odborom odredila i mjesto i vrijeme održavanja Skupštine. Nakon što su uputili sporne mailove, oni su se prijetećim tonom obratili članovima Upravnog odbora i Stručnoj službi sa zahtjevom da moraju da saraduju u vezi sa tim aktivnostima. U cilju prevazilaženja problema AIS je u vezi sa pozivom i obavještenjem dostavio 29.01.2024. godine komentare i odgovor (u prilogu) kojim je tražena dokumentacija uključujući i zahtjev grupe članova za sazivanje Skupštine, ali predsjednik Skupštine je odbio to da učini.

Prema informacijama koje smo dobili Skupština je sazvana na zahtjev 123 člana AIS-a. Zahtjev grupe članova AIS-a za sazivanje vanredne skupštine AIS-a nikad nije službeno zaprimljen od strane Stručne službe AIS-a odnosno službenika koji vodi protokol u prostorijama AIS-a. Nekoliko članova AIS-a nas je obavijestilo da je njihov potpis krivotvoren ili da su bili obmanuti u vezi razloga za šta se prikupljaju potpisi, što predstavlja krivično djelo pa će krivična prijava biti dostavljena nadležnom tužilaštvu. Indikativno je da su potpisi prikupljeni 6 mjeseci što takođe upućuje da se radi o manipulaciji. Da stvarno postoje razlozi za hitno sazivanje vanredne Skupštine potpisi bi se skupili za nekoliko dana.

Podsjećamo, prema članu 26. Statuta AIS-a 10% (deset) redovnih članova Udruženja se utvrđuje prema aktuelnom stanju spiska članova, koji vodi Udruženje, u momentu podnošenja zahtjeva za sazivanje Skupštine. U skladu sa navedenom odredbom, Upravni odbor u saradnji sa Stručnom službom prema aktuelnom spisku članova na dan podnošenja zahtjeva utvrđuje broj članova udruženja, provjerava da li je zahtjev svojeručno potpisalo 10% članova i utvrđuje jesu li su ispunjeni uslovi za sazivanje vanredne skupštine. Nakon toga predsjednik Skupštine AIS-a je dužan u skladu sa članom 26. stav 1. Statuta sazvati vanrednu Skupštinu u roku od 30 dana od dana podnošenja zahtjeva. U slučaju da se postupilo u skladu sa navedenom procedurom ne bi bilo nikakvih smetnji da se zakaže vanredna skupština. Upravni odbor je pokušao da u direktnom kontaktu sa predsjednikom i potpredsjednikom prevaziđe problem i da se zahtjev za sazivanje Skupštine stavi u redovnu proceduru, što su oni odbili. U vezi zahtjeva da im se dostavi spisak članova AIS-a sa podacima (ime i prezime, kontakt broj, grad/opština), Predsjednik udruženja je odgovorio (odgovor u prilogu) da se radi o ličnim podacima koji su zaštićeni u skladu sa Zakonom o zaštiti ličnih podataka, o čemu se očitovala i Agencija za zaštitu ličnih podataka (akt u prilogu), te predložio da inicijatori zahtjev službeno predaju na protokol u prostorijama AIS-a što nikada nije učinjeno.

Posebno naglašavamo da je Upravni odbor AIS-a 13.2.2024. godine uputio predsjedniku Skupštine zahtjev za sazivanje redovne skupštine sa prijedlogom dnevnog reda uz obavještenje da ukoliko ima prijedloga za eventualne dopune dnevnog reda isti dostavi Upravnom odboru. Skupštinu je potrebno organizovati prvenstveno zbog otklanjanja nepravilnosti u radu, koje je svojim Rješenjem naložio Institut za intelektualno vlasništvo. Na otklanjanju tih nepravilnosti UO je uveliko radio u proteklom periodu i donio/pripremio potrebne odluke, a neophodno je da i Skupština donese određene odluke u vezi s tim. Umjesto da postupi u skladu sa Statutom i u dogovoru sa Upravnim odborom zakaže redovnu skupštinu, on u odgovoru koji dostavlja pitem maila iznosi niz kleveta i neistina na račun predsjednika Upravnog odbora Almira Ajanovića. Takođe vas obavještavamo da AIS neće snositi troškove nelegalne Skupštine niti plaćati putne troškove članovima koji dolaze sa strane. Eventualne isplate od strane neovlaštenih lica smatraćemo za podmićivanje o čemu ćemo obavijestiti nadležne organe.

Imajući u vidu navedeno, obavještavamo članove da se radi o privatnom skupu čiji cilj je rušenje Udruženja i da odluke koje eventualno budu donesene nemaju nikakav pravni značaj pa molimo članove AIS-a da ne nasjedaju na manipulacije. Upravni odbor AIS-a je uputio zahtjev za sazivanje redovne Skupštine i ista će biti održana u roku predviđenim Statutom o čemu će članovi Skupštine biti obaviješteni.

  
Predsjednik Udruženja

Almir Ajanović

ASOCIJACIJA IZVOĐAČA I SVIRAČA <<AIS>>  
VOGOSCA, Tel: 033/425-400

Broj 68 Datum 19.2.2024.